

## Kirmesled

Text und Medodie altkölnisch, (um 1800)

1. Morge fängk uns Kirmes aan, hör ens dat Gebimmel!

Wääde mir e Levve han, wie nen Boor em Himmel

Refrain:       Bimmelimmelim bam bim bam bei  
                  Bimmelimmelim bam bim bam bei-er  
                  Bimmelimmelim bam bim bam bei  
                  Bimmelimmelim bam bim bam bei-er

2. Unse Nohber Tünnemann, deit de Stroße zeere

Girlangs met vill Flaast're dran, all vun bunt Papeere.

Refrain

3. Brode, Platz un Schinke fresch, Mainzer Kis met Kümmel

Steiht vollop op unsem Desch, fählt och keine Grümmel

Refrain

4. Jo, dann gitt et Appeltaat, Nonnefützcher, Moppe

Mallich\* deit, dat es en Staat, op der Lukas kloppe

Refrain

5. Meddsen dren e Bildche hängk – es doch för ze Laache! –

Wo sich Mann un Frau zerschängk, dat de Balke kraache.

Refrain

6. Han se no der ganzen Dag, sich dodurch gegesse

Weed bes en de späde Naach, em Bräues dann gegesse.

Refrain

7. Brandewing met Zucker dren es uns Kirmesdröppche!

Pross, mi Leev, war bes de schön, wat glöht di sillig Köppche!

Refrain

8. Un su gingk uns Kirmes us, met noch jet Gebimmel

Un mer hatte bloß als Truus uns drei Däg Kirmeshimmel

Refrain

\* mallich = altes Wort für "jeder"